



La fracziun da la pcd en il cussegl grond a Lai.

MAD

# Fracziun da la pcd a Lai

## Cumià dals deputads na pli en il cussegl grond

■ (cp) Ils 28 da matg 2014 ha la fracziun da la Partida cristiandemocratica (pcd) en il cussegl grond salvà ina sessida a Lai. Il schef da la fracziun, Marcus Caduff, ha prendì cumià da quels deputads che n'èn betg pli en il cussegl grond la proxima legislatura (2014–2018). Ils commembers da la fracziun da la pcd èn s'inscuntrads gia la saira avant per la tschaina comunabla en il hotel Lenzerhof a Lai. La mesemna èn las tractandas da la sessiun da zercladur vegnidas discutadas e deliberadas. Il president da la fracziun ha engrazià la saira avant en preschientscha da cusseglier dals stans e president da la pcd chantunala, Stefan Engler, cusseglier naziunal Martin Candinas e dal president da la regenza, cusseglier guvernativ Mario Cavigelli als deputads, stads preschents la davosa giada, per lur engaschament durant onns per la partida ed il chantun.

### Engrazià als deputads partents

Engrazià è vegni als deputads partents:

Vincent Augustin, Cuir; Claudia Kleis-Kümin, Tusaun; Ralf Kolleger, Curvalda; Placi Berther, Cadi; Martino Righetti, Roveredo; Hannes Parpan, Alvaschein; Ludwig Caluori, Belfort e Georg Fallet, Val Müstair, per tut lur lavur e prestaziuns renconuschidas.

### Beneventà 8 novs deputads

Rodolfo Plozza, Brusio, è mort durant la perioda da legislaziun. En cumparegliaziun cun 2010 ha la pcd perdi 2 sez, resta dentant vinavant la segund ferma fracziun en il cussegl grond. En ils circuls da Cuir e Glion èsi percenter reusi a la pcd da gudagnar dus mandats. Cun plaschair ha il president Marcus Caduff beneventà ils otg novs deputads: Roland Kunfermann, Tusaun; Aurelio Casanova, Foppa; Erwin Degonda e René Epp, omadus Cadi; Franz Sepp Caluori e Tino Schneider, omadus Cuir; Romano Paterlini, Alvaschein e Reto Cramer, Belfort. Cun Tino Schneider e Reto Cramer èn plinavant ils pli giu-

vens deputads commembers da la fracziun da la pcd.

### Deliberà las fatschentas

La mesemna èn vegnidas tractadas las fatschentas da la sessiun da zercladur. La lescha da promover il sport è vegnida discutada cuntravers en la fracziun. Ella è plitost trumpada dal sboz – segund il president Marcus Caduff. La revisiun totala da la cassa da pensiun è stada incontestada. La maioritad da la fracziun da la pcd è cuntenta cun il rapport davart la promoziun dal sport d'uffants e giuvenils en il Grischun. Visavi cumpletter anc dapli las directives dadas è la maioritad da la fracziun critica. Quai stettia, segund il schef da la fracziun, Marcus Caduff, en cumpetenzza da las vischnauncas. Il quint statal per 2013 ha la fracziun deliberà. Il resultat na saja betg dramatic, mo restrenschia l'agir finanziel dal chantun, quai che stoppia vegnir persequità exactamain.